



# Lovtidende A

2019

29. november 2019.

Nr. 1276.

## Qarasaasiakkut eqquiniulluni akilerniunneq<sup>1)</sup>

Aningaasanoorneq pillugu inatsimmi § 11, imm. 5, § 36, imm. 2, § 41, imm. 1, aamma § 60, tak. inatsisitut nalunaarut nr. 1494, 6. december 2016-imeersoq, aamma aningaasarsianik malunnarunnaarsitsiniaaneq pillugu inatsimmi §67 aamma § 78, imm. 6, tak. inatsisitut nalunaarut nr. 930, 6. september 2019-imeersoq kiisalu aningaasanoornerit aalajangersimasut pillugit inatsimmi § 17, imm. 2, § 19, imm. 1, aamma § 46, imm. 1, tak. inatsisitut nalunaarut nr. 336, 7. april 2016-imeersoq malilugit aalajangersarneqarpoq:

### Kapitali 1

#### *Atorneqarfia*

§ 1. Qarasaasiakkut eqquiniulluni akilerniunnerit neqeroorutigineranni nalunaarut atorneqassaaq, tak. aningaasanoorneq pillugu inatsimmi § 11, aamma aningaasanoornerit aalajangersimasut pillugit Kalaallit Nunaannut inatsimmi § 7.

*Imm. 2.* Eqquiniulluni akilerniunnermut neqerooruteqarnermut akuersissutit aningaasanoorneq pillugu inatsimmi § 42, imm. 4, aamma 5-imi, aamma aningaasanoornerit aalajangersimasut pillugit Kalaallit Nunaannut inatsimmii § 8, imm. 1-imi taaneqartut nalunaarummut ilaanngillat.

### Kapitali 2

#### *Aningaasanoortumik nalunaarsuinerit*

§ 2. Akuersissummik peqartumi eqquiniulluni akilerniutissagaanni, aningaasanoortoq akuersissummik peqartumi pisisartutut nalunaarsorneqassaaq. Akuersissummik peqartoq

<sup>1)</sup> Qarasaasiakkut eqquiniulluni akilerniunneq pillugu nalunaarut nr. 66, 25. januar 2012-imeersoq, nalunaarutip matuma taarsigaa, teknikkikkut najoqqutassat kiisalu inuiaqatigiinni paasissutissiisartuni sullissinernut najoqqutassat eqqarsaatigalugit, missingiutaanermi Europa-Parlamentip Rådillu peqqussutaat 2015/1535/EU malillugu pisortatigoortumik nalunaarutigineqarpoq (paasiuminartarneqarluni).

*Imm. 2.* Taamaallaat inuit pisisartutut nalunaarsorneqarsinnaapput.

*Imm. 3.* Imm. 4-6 aamma § 3 malillugit akuersissummik peqartup pisisartuq ilisimasaqarfigissavaa.

*Imm. 4.* Akuersissummik peqartup pisisartup kinaassusaa pillugu paasissutissanik piniassaaq, ilanngullugit aqqa, najugaa aamma inuup normua, imaluunniit pineqartuq inuup normoqanngippat paasissutissat allat assigisai piniassallugit. Paasissutissat pissarsiarineqartut pisariaqartitamik uppersaasiinikkut uppersarneqassapput. Uppersaasiat annertussusaat aarlerinaatinik nalilersuineq aallaavigalugu aalajangersarneqassapput, taamaasilluni akuersissummik peqartup qularissanagu pisisartuq ilumut tassaasoq imminermik kinaassutsiminik taasisoq.

*Imm. 5.* Pisisartup taamaallaat imminut sinnerluni iliuuseqarsinnaanera akuersissummik peqartup pisisartumik nalunaarsuinissaminut piunasaqaatigissavaa.

*Imm. 6.* Pisisartup kinaassusia pillugu paasissutissat siusinnerusukku pissarsiarineqartut naammannerat qularutigineqarpat, kinaassutsimik uppersaasiat nutaamik piunasaqaatigineqassapput.

§ 3. Kinaassusersiniarluni suleriaaseq akuersissummik peqartup pisisartoqalerneranik pilersineranut atatillugu naammassereersimassaaq, kingusinnerpaamillu siullermik akiliuteqarnera sioqqullugu, taamaattoq tak. § 6.

### Kapitali 3

*Kinaassutsumik paasissutissat il.il. uninngasuutigineqartarnerat.*

§ 4. Akuersissummik peqartup aningaasanoortoq nalunaarsugaasoq pillugu kinaassutsumik nakkutilliinermullu paasissutissat nalunaarummi pineqartut uninngasuutigissavai, sivikinnerpaamik pisisartuunerup atorunnaarneraniit ukiuni tallimani, tak. kapitali 2.

*Imm. 2.* Aningaasanoortut aningaasanik nuussisarnerat pillugu uppersartaatitut allakkiat aamma nalunaarsuinerit aningaasanik nuussinerup piviusunngortinneraniit minnerpaamik ukiuni tallimani pigineqassapput.

*Imm. 3.* Akuersissummik peqartup suliffeqarfia unippat, kingullerpaamik aqutsisuusut isumagissavaat kinaassutsumik paasissutissat il.il. imm. 1 aamma 2 malillugit sulii uninngasuutigineqassasut.

### Kapitali 4

*Aningaasanoornermut konto aamma akiliutit*

§ 5. Uppersartaammik peqartoq aningaasanoortumut nalunaarsugaasumut aningaasanoornermut kontomik pilersitsissaaq.

*Imm. 2.* Akuersissummik peqartup aningaasanoornermut kontop qanoq imaqartiginera, qanoq annertutigisumik aningaasanoortoqarsimatiginera (ilanngullugit aningaasanoortut) eqqukkat annaasallu), aningaasat ikisat tigusallu, kiisalu tamatumunnga atatillugu aningaasat nuunneqartut allat pillugit paasissutissanik aningaasanoortoq pissarsitissinnaasavaa. Paasissutissat aningaasanoortup aningaasanoornermut kontoani sivikinnerpaamik ulluni 90-ini pissarsiarisinnaasavai.

*Imm. 3.* Akuersissummik peqartup aningaasanoortumit qinnuigineqarnermigut aningaasanoornermut kontomi aningaasat nuunneqartut tamarmiusut allattorsimaffiat tunniutissavaa.

*Imm. 4.* Akuersissummik peqartoq kontomi iliuuseqannginnera pissutigalugu akiliuteqartitsisinnaanngilaq.

§ 6. Akuersissummik peqartup paasissutissat § 2-mi taaneqartut misissoreernerisa tungaanut, taamaallaat utaqqiisaasumik aningaasanoornermut kontomik aningaasanoortumut ammaatitsisinnaavoq, taamaattoq tak. imm. 5.

*Imm. 2.* Aningaasanoortoq nalunaarsorneqarnermut atatillugu paasissutissanik eqqunngitsunik tunniussisimappat, imaluunniit aningaasanoortoq akuersissummik peqartumit kaammattorneqarnermigut ullut 30-t qaangiutsinnagit paasissutissat eqqortuunerannik uppersartaatinik pisariaqartitanik nassiussisimangippat, akuersissummik peqartup aningaasanoornermut utaqqiisaasumik konto matussavaa.

*Imm. 3.* Aningaasanoornermut utaqqiisaasumik kontomit aningaasanik aningaasanoortumut tunniussisoqarsinnaanngilaq.

*Imm. 4.* Aningaasanoortoq aningaasanoornermut utaqqiisaasumik kontomut annerpaamik 10.000 kr.-nik ikisisinnaavoq.

*Imm. 5.* Aningaasanoortunut namminneq piunassutsuminnik peqataasinnaanngitsut nalunaarsorsimaffiannut allatsissimasunut aningaasanoornermut utaqqiisaasumik kontomik pilersitsisoqarsinnaanngilaq, tak. § 18.

§ 7. Aningaasanoornermut kontomut, tamatumani paasissutissat § 2-mi taaneqartut nakkutigineqareersimatillugit, digitalimik atsiorneq isumannaallisaanermut qaffasissuseq OCES-

imi pitsaassusiliussap assigisaa qaffasinnerusorluunniit atorlugu isertoqarsinnaanissaa akuersissummik peqartup qulakkiissavaa.

*Imm. 2.* Digitalimik atsiorderup atorneqartup aningaasanoortumit § 2 malillugu nalunaarsugaasumit pigineqarnera akuersissummik peqartup nakkutigissavaa.

*Imm. 3.* Aningaasanoornermut kontomut iserneq piffissami aalajangersimasumi digitalimik atsiorderq atornagu pisinnaassasoq aningaasanoornermut oqartussat akuersissutigisinnaavaat, imaappat:

- 1) iserneq Kalaallit Nunaanni pisisartumi pippat, imaluunniit
- 2) aningaasanoorneq teknikkikkut suleriarfimmit ingerlanneqarpat, tamatumani siusinnerusukkut digitalimik atsiorderq atorneqarsinnaasimanani. Taamaattoq aningaasanoornermut kontomut iserneq teknikkikkut suleriarfimmut pissaaq digitalimik atsiorderq atorlugu.

*Imm. 4.* Aningaasanoornermut kontomut isernermut imm. 1 aamma 2 atuutinngillat, tamatumani aningaasanoortoq § 2 , imm. 4 malillugu pisisartutut inuup normoqarani nalunaarsugaasimappat.

*Imm. 5.* Aningaasanoornermut kontomut digitalimik atsiorderq atornagu isernermi, tak. imm. 3 aamma 4, aningaasanoortup toqqissisimanartumik kinaassusersineqarnissaa akuersissummik peqartup qulakkiissavaa.

**§ 8.** Akuersissummik peqartup aningaasanoornermut kontomut akiliutit taamaallaat akiliutinik sullissisuneersut, akiliutinik sullissinermut aamma aningaasat elektronisikiusut pillugit inatsit malillugu nunami maani inatsisinik unioqqutitsinani neqeroorutaasut tigusinnaavai.

*Imm. 2.* Aningaasat atoriaannaat akiliutitut atorneqarsinnaanngillat.

**§ 9.** Aningaasat aningaasanoortumit akilerneqartut akuersissummik peqartumit akiliutinik tigusinerata kinguninngua aningaasanoornermut kontomut ikineqassapput.

*Imm. 2.* Eqqukkat eqqorneqarnermik kinguninngua aningaasanoornermut kontomut ikineqassapput.

**§ 10.** Akuersissummik peqartup aningaasanoornermut kontot akornanni aningaasanik, aningaasanoornermut meqqinik assigisaannilluunniit nuussinissaq akuersissutigisinnaanngilaa.

**§ 11.** Aningaasat aningaasanoortup aningaasanoornermut kontomi uninngasuutigisai, aningaasaapput tatiginnilluni uninngasuutigineqartut, taakkulu aningaaserivimmi il.il. utimut akiliutitaqarfiusussaannngitsumi uninngasuutigineqartussaallutik, akuersissummik peqartup nammineq aningaasaataanit immikkoortisimaneqarlutik, aamma akuersissummik peqartup kisimiilluni atorsinnaassallugit. Aningaasat kontomeersut taamaallaat aningaasanoortumut tunniunneqarsinnaapput, taamaattumillu akuersissummik peqartup piunasaqaataanik akiliutit matussuserneqarnissaannut atorneqarsinnaassanatik. Akuersissummik peqartoq akiliisinnaajunnaassagaluarpat il.il. aningaasat qulakkeerneqarsimassapput.

*Imm. 2.* Aningaasat kontomi utimut akiliutitaqarfiusussaangitumi uninngasuutigineqartut qaqugukkulluunnii minnerpaamik aningaasanoortup aningaasanoornermut kontoani uninngasut amerlaqatigissavaat.

## Kapitali 5

### *Aningaasanoortumut paasissutissat*

**§ 12.** Paasissutissat tamarmik, aningaasanoorneq pillugu inatsimmi imaluunniit aningaasanoornerit aalajangersimasut pillugit Kalaallit Nunaannut inatsimmi najoqqutassanilu taakkununga atasuni aalajangersagaasut malillugit akuersissummik peqartup aningaasanoortunut tamanut atugassiissutigisassai, akuersissummik peqartup qarasaasiakkut nittartagaani danskisut pissarsiarineqarsinnaassapput. Aningaasanoortut aamma akuersissummik peqartup akornanni attaveqatigiinneq tamarmi danskisut ingerlanneqarsinnaassaaq.

*Imm. 2.* Akuersissummik peqartoq, Kalaallit Nunaanni aningaasanoornermik neqerooruteqarnissamut akuersissuteqartoq, paasissutissat imm. 1-imi taaneqartut danskisut kalaallisullu atugassiisutigissavai.

**§ 13.** Akuersissummik peqartup nittartagaani imaluunniit atuisunut takutittagaani imaassaaq:

- 1) takuneqarsinnaalluni, inuit 18-it inorlugit ukiullit aningaasanoornernut peqataanissaat inerteqqutaasoq,
- 2) akisussaassuilimmik aningaasanoorneq aamma aningaasanoornerup pitsaanngisunik kinguneqarsinnaanera paasissutissiisutugalugu, tamatumani paasissutissat aningaasanoornermik pinngitsuuisinnaanngitsunut katsorsaavik suleqatigalugu suliarineqarsimassallutik,
- 3) aningaasanoornermut pinngitsuuisinnaannginnermut imminut misilinnissamut aqqtissat ilisimatitsissutigissallugit,
- 4) danskit katsorsaavii pillugit taakkualu qanoq attaveqarfigineqarsinnaanerat pillugu paasissutissiisalluni,
- 5) akisussaassuilimmik aningaasanoornissamut Aningaasanoornermut Oqartussat oqarasuaatikkut ikiorsiisarfiat innersuussutigalugu, aamma
- 6) aningaasanoortut nammineq piumassutsiminnik peqataasinnaajunnaartittut nalunaarsorneqarfiannut allatsinnissamut periarfissaq paasissutissiisutigalugu, tak. § 18.

*Imm. 2.* Imm. 1-imi paasissutissat akuersissummik peqartup nittartagaani imaluunniit atuisunut takutittagaani inissami takutikkuminartumi inissinneqarsimassapput, nittartakkamilu quppernerit tamaasa aqqtigalugit iserfigineqarsinnaassallutik.

*Imm. 3.* Akuersissummik peqartup nittartagaata imaluunniit atuisunut takutittagaata saqqaani takuneqarsinnaassaaq akuersissummik peqartoq Aningaasanoornermut Oqartussanit akuersissuteqartoq taakkunanngalu nakkutigisaalluni.

*Imm. 4.* Aningaasanoornermut Oqartussat nittartagaanut iserfissaq paasissutissiisutigineqassaaq.

*Imm. 5.* Akuersissummik peqartup, aamma Kalaallit Nunaanni aningaasanoornermik neqerooruteqarsinnaatitaasup paasissutissat imm. 1-imi taaneqartut danskisut kalaallisullu atugassiisutigissavai, Kalaallit Nunaannilu aningaasanoornermik pinngitsuuisinnaanngitsunut katsorsaaviit attaveqarfiginissaannut najugaat paasissutissiisutigalugit.

**§ 14.** Akuersissummik peqartup nittartakkamini imaluunniit atuisunut takutittakkamini Aningaasanoornermut Oqartussat meqqiliinermut aqqissuussinera atussavaa.

*Imm. 2.* Aningaasanoornermut Oqartussat meqqiat akuersissummik peqartup nittartagaata saqqaaniissaaq. Nittartakkap quppernerisa sinnerini meqqi aningaasanoortumut pisariitsumik takuneqarsinnaassaaq.

*Imm. 3.* Akuersissummik peqartup meqqi kingullermik tamanut saqqummiunneqartoq, Aningaasanoornermullu Oqartussanit suliarineqartoq qaqugukkulluunniit atussavaa. Meqqi ilusiligaanermigut, annertussusiligaanermigut qalipaatiligaanermigulluunniit akuersissummik peqartumit allanngortinneqassanngilaq.

*Imm. 4.* Meqqi imatut atorneqassanngilaq isumaqalersitsilluni Aningaasanoornermut Oqartussat aqqissuusseqataasut imaluunniit aningaasaliisuullutik.

*Imm. 5.* Meqqi akuersissummik peqartup suleqataanit imaluunniit peqataasunit allanit Aningaasanoornermut Oqartussanit akuersissuteqanngitsuni atorneqaqqusaanngilaq.

## Kapitali 6

### *Akissusaassusilimmik aningaasanoorneq*

§ 15. Aningaasanoortoq aningaasanoornerminik aallartitsinnani akiliutissaminik killiliissaaq. Aningaasanoortup toqqarsinnaassavaa akiliutinut killiliussaq ullormoortuussanersoq, sapaatit akunnikkaartuussanersoq imaluunniit qaammatikkaartuussanersoq. Aningaasat akiliutinut killiliussaniittut, taamaallaat akiliutinut killiliussat annerpaaffissaat pinnagit, akuersissummik peqartumit siumoortumik aalajangigaassanngillat.

*Imm. 2.* Aningaasanoortup akiliutiminik killiliussamik siusinnerusukkut aalajangikkaminik qaffaanissamik qinnuiginninna, siusinnerpaamik nalunaaquttap akunneri 24-t qaangiunneranni atuutilersinnaavoq.

§ 16. Akuersissummik peqartup aningaasanoortup aningaasanooriaasia ilisimasaqarfigilissavaa, aningaasanoortullu ajornartorsiutitalimmik aningaasanooriaaseqalernissaa aamma aningaasanoornermik pinngitsuuisinnaajunnaarnissaa iliuuseqarfigissallugu.

*Imm. 2.* Akuersissummik peqartoq ajornartorsiutitalimmik aningaasanooriaaseqalernissaaq aamma aningaasanoornermik pinngitsuuisinnaalernissaaq pitsaaliorniarlugit pinaveersaartinniarlugillu suliffimmi iluani akissusaassusilimmik aningaasanoorneq pillugu maleruagassaaqassaaq suleriaaseqarlunilu, ilanngullugu aningaasanoortut ajornartorsiutitalimmik aningaasanooriaaseqartut pillugit nakkutilliiffiginerannut attaveqarfiginerannullu suleriaaseqassalluni, maluginiarnerannut taakkulu pillugit allattuinnissamut pisussaaffeqassalluni, aningaasanoortup aningaasanooriaasia pillugu paasissutissanik uninngasuutiginnissalluni kiisalu aningaasanoortup aarlerinaataanik nalilersuissalluni.

*Imm. 3.* Akuersissummik peqartup aningaasanoortup aningaasanooriaasia pillugu aamma aningaasanoortup aarlerinaataanik nalilersuineq pillugu paasissutissat ukiumi tallimani uninngasuutigissavai.

*Imm. 4.* Akuersissummik peqartoq aammattaaq ajornartorsiutitalimmik aningaasanooriaaseqarnerup aamma aningaasanoornermik pinngitsuuisinnaannginnerup pitsaaliornissaat pinaveersaartinnissaallu siunertaralugit sulisunut attuumassuteqartunut ilinniartitsinermik ilitsersuinermillu anguniagaqassaaq.

*Imm. 5.* Sulisut aningaasanoortunut attaveqarnermik suliaqartut imaluunniit aningaasanoortut aningaasanooriaasiannik nalilersueqqissaarnermik suliaqartut suliffiup iluani maleruagassanik ilisimatinneqarsimanissaat taakkunangalu atuinissaat akuersissummik peqartup isumagissavaa, tak. imm. stk. 2.

§ 17. Akuersissummik peqartup suleriaaseq aningaasanoortumut atugassiissutigissavaa, tassuunakkut aningaasanoortoq periarfissaqassamat akuersissummik peqartup aningaasanoortitsineranut utaqqiisaasumik imaluunniit inaarutaasumik peqataajunnaarnissamut qinnuteqarsinnaassalluni. Aningaasanoortumik peqataajunnaarnissamut qinnuteqarnermi kingorna aningaasanoortup nutaamik aningaasanoornermut peqataasinnaannginnera akuerissummik peqartup qulakkiissavaa.

*Imm. 2.* Utaqqiisaasumik peqataasinnaannginneq ullut 30-t inorlugit sivilissuseqarsinnaanngilaq, taamaattoq aningaasanoortoq piffissami sivikitsumi nalunaaquttap akunnerini 24-ni peqataasinnaannginnissamik qinnuteqarnissamut periarfissaqassaaq (piffissaq unikaallaffiusoq). Utaqqiisaasumik peqataasinnaannginneq aamma piffissami sivikitsumi aningaasanoorsinnaanngikkallarnek isumaqarput aningaasanoortup aningaasanoornermut kontoa piffissami tamatumani atorsinnaassanngitsoq.

*Imm. 3.* Aningaasanoortup inaarutaasumik peqataasinnaajunnaarnerata kingunerissavaa, akuersissummik peqartup aningaasanoortup aningaasanoornermut kontoanik matusinissaa aamma pisisartuminik unitsitsinissaa. Aningaasanoortoq nutaamik pisisartutut aatsaat

nalunaarsorneqarsinnaavoq, tak. § 2, siusinnerpaamik aningaasanoornermut kontop matuneraniit ukiup ataatsip qaangiunnerani.

*Imm. 4.* Aningaasanoortoq akuersissummik peqartup aningaasanoortitsineranut peqataanissamut immiut mattuppat, akuersissummik peqartup aningaasanoortoq ilisimatissavaa danskit katsorsaavianni aningaasanoornermik pinngitsuuisinnaannginneq pillugu siunnersorneqarnissamut katsorsarneqarnissamillu periarfissat pillugit. Aningaasanoortoq Kalaallit Nunaannit pisisartuuppat, akuersissummik peqartoq aningaasanoornermik pinngitsuuisinnaaneq pillugu kalaallit katsorsaavianni siunnersorneqarnissamik katsorsarneqarnissamillu neqeroorutit pillugit paasissutissiisaaq.

**§ 18.** Aningaasanoortut namminneq piumasutsumminnik utaqqiisaasumik imaluunniit inaarutaasumik akuersissummik peqartuni tamani aningaasanoornissamut immiut mattuttunik Aningaasanoornermut Oqartussat nalunaarsuiffeqarput. Aningaasanoortoq Aningaasanoornermut Oqartussat nittartagaanni nalunaarsuiffimmut nalunaarsortissinnaavoq, imaluunniit Aningaasanoornermut Oqartussanut saaffiginninnermigut nalunaarsortissinnaalluni. Aningaasanoortoq nalunaarsuiffimmut nalunaarsorneqarnissaminut erseqqivissumik akuersissuteqassaaq.

*Imm. 2.* Nalunaarsuiffimmi inunnik paasissutissat suliarineqartarnerat paasissutissat illersorneqarnissaannik peqqussummi artikeli 6, imm. 1, litra e malillugu Aningaasanoornermut Oqartussat oqartussatut sulinerat tunngavigalugu pisarpoq.

*Imm. 3.* Utaqqiisaasumik peqataajunnaarnerit assigiinngitsut aningaasanoortup toqqarsinnaasaasa sivissussaat Aningaasanoornermut Oqartussat aalajangersarsinnaavaat.

*Imm. 4.* Aningaasanoortoq utaqqiisaasumik peqataasinnaanngitsutut nalunaarsuiffimmut nalunaarsorsimasoq, tak. imm. 1, piffissami nalunaarsorneqarfigisamini piiarneqarsinnaanngilaq, imaluunniit nalunaarsorneqarsimanani peqqissimissutigisinaanagu.

*Imm. 5.* Aningaasanoortoq inaarutaasumik peqataasinnaanngitsutut nalunaarsuiffimmi nalunaarsugaasimasoq qaqugukkulluunniit, taamaattoq nalunaarsuiffimmut nalunaarsorneqarnermi kingorna siusinnerpaamik ukiup ataatsip kingorna, Aningaasanoornermut Oqartussanut qinnuteqarsinnaavoq nalunaarsuiffimmit peerneqarnissaminik. Aningaasanoortup siusinnerpaamik qinnuteqarnermunit ullut arfineq marluk qaangiunneranni kingusinnerpaamillu ullut 30-t qaangiunneranni qinnuteqaatini uppersarsassavaa, peerneqarnissaq piviusunngorsinnaassappat.

*Imm. 6.* Aningaasanoortoq nalunaarsuiffimmi nalunaarsugaasoq ulloq 1. januar 2020-mi kingornaluunniit piffissami peqataasinnaanngiffimmini akuersissummik peqartumit tunitsivissarsiuiffigineqarnissaminut itigartitsisutut isigineqassaaq.

*Imm. 7.* Imm. 1-6 aningaasanoortunut § 2, imm. 4 malillugu inuup normua atornagu pisisartutut nalunaarugaasunut atuutinngillat.

**§ 19.** Akuersissummik peqartup nammineq piumasutsummik nalunaarsuiffimmut nalunaarsugaasut ilisimatissavai Aningaasanoornermut Oqartussat nittartagaanni nalunaarsuiffimmi nalunaarsorneqarnissamut periarfissaqarneralugit, tak. § 18, nalunaarsuiffimnullu aqqutissaqarnissaat aqqutissiuutissallugu.

*Imm. 2.* Aningaasanoortumik nutaamik pilersitsinermi akuersissummik peqartup nalunaarsuiffik misissussavaa, nakkutiginiarlugu aningaasanoortoq pineqartoq nalunaarsuiffimmi nalunaarugaanngitsaq. Aningaasanoortoq nalunaarsuiffimmut nalunaarsugaasimappat, aningaasanoortup pilersinneqarnissaa akuersissummik peqartumit itigartitsissutigineqassaaq.

*Imm. 3.* Akuersissummik peqartup aningaasanoortup aningaasanoorfimmut isernerani nalunaarsuiffik misissussavaa, aningaasanoortup nalunaarsuiffimmut nalunaarsugaannginnera nakkutiginiarlugu. Aningaasanoortoq nalunaarsuiffimmut nalunaarsugaasimappat, aningaasanoortoq aningaasanoornissamut itigartinneqassaaq.

*Imm. 4.* Aningaasanoortoq inaarutaasumik peqataasinnaangitsutut nalunaarsuiffimmi nalunaarugaasoq akuersissummik peqartup ilisimalerpagu, akuersissummik peqartup aningaasanoortup aningaasanoornermut kontoa matussavaa pisisartuutinneralu kipitillugu.

*Imm. 5.* Akuersissummik peqartoq aningaasanoortumut tunitsivissarsiutinik nassiussitinnagu susinnerpaamik nalunaaquttap akunnerinik 24-nik sioqqutsisumik akuersissummik peqartup nalunaarsuiffik misissussavaa, aningaasanoortup nalunaarsuiffimmi nalunaarsugaasimanissaa nakkutiginiarlugu. Aningaasanoortoq nalunaarsuiffimmi nalunaarugaasimappat, akuersissummik peqartup tunitsivissarsiutini tassunga nassiutissanngilai.

*Imm. 6.* Imm. 1-5 aningaasanoortunut, § 2, imm. 4 malillugu inuup normoqaratik pisisartutut nalunaarsugaasunut atuutinnngillat.

## Kapitali 7

### *Tunitsivissarsiorneq*

**§ 20.** Akuersissummik peqartoq iliuuseqassaaq tunitsivissarsiutinik aningaasanoortunut imminnut utaqqiisaasumik inaarutaasumilluunniit peqataajunnaarsittunut, tak. § 17, nassiussinissani pinngitsoortinniarlugu.

**§ 21.** Akuersissummik peqartup tunitsivissarsiornermini tulliuuttut paasissutissiissutigissavai:

- 1) aningaasanoornissamut ukiutigut killiliussat,
- 2) akisussaassuilimmik aningaasanoornissamut Aningaasanoornermut Oqartussat ikiorsiiffiat, aamma
- 3) aningaasanoortut namminneq piimaasutiminnik peqataasinnaajunnaartut nalunaarsuiffiatigut nammineq peqataajunnaarsissinnaaneq, tak. § 18.

*Imm. 2.* Akuersissummik peqartup tunitsivissarsiornermini Aningaasanoornermut Oqartussat meqqiliinermit aaqqissuussinerat atussavaa. Meqqi pisariitsumik takuneqarsinnaassaaq. § 14, imm. 3 aamma 4, assigisaanik atorneqassaaq.

*Imm. 3.* Imm. 1-imi paasissutissat aamma meqqi, tak. imm. 2, assigisaanik akuersissummik peqartup nittartagaani takuneqarsinnaassapput, nittartagaq pineqartup tunitsivissarsiorneranut attuumassuteqartillugu.

## Kapitali 8

### *Iliuutsit tunisinermik siuarsaasut*

**§ 22.** Akuersissummik peqartup aningaasanoornernik neqerooruteqarnerminut atatillugu aningaasanoortoq iliuutsimik tunisinermik siuarsaasumik neqerooruteqarfipigpagu, atugassarititaasut tamarmik neqerooruteqarnermut atatillugu erseqqissumik paasiuminartumillu paasissutissiissutigineqassapput. Iliuutsinut tunisinermik siuarsaasunik isumaqatigiissummik eqqortitsineq imaaliallaannaq pissaaq, atugassarititaasut eqqortinneqariarpata.

*Imm. 2.* Iliuutsit tunisinermik siuarsaasut 1.000 kr.-inik naleqassanngillat, imaluunniit agguaqatigiissillugit taakku sinnerlugit naleqassanatik. Piffissami iliuutsip tunisinermik siuarsaasup tunniunneqarfiani nalinga naatsorsorneqassaaq. Eqqukkat aningaasaanngitsut nalingat naatsorsorneqassaaq niuerutaanerminni nalingat aallaavigalugu.

*Imm. 3.* Iliuutsinik tunisinermik siuarsaasunik angusaqarusulluni aningaasanoornermut kontomut ikisinissamik piunasaqaat imaluunniit aningaasanoornermut akiliuteqaqqusineq iliuutsip tunisinernik siuarsaasup tunniunneqartup 100 procentimik naleqatigissavaat, taamaattoq tak. imm. 2.

*Imm. 4.* Bonusiatit tigusinnaalertinnagit qanoq annertutigisumik kaaviiartitaqarnissaannik piunasaqaatit iliuutsinut tunisinermik siuarsaasunut attuumassuteqartut annerpaamik



anigaasanoornermut kontomut ikisat imaluunniit anigaasanoornermut atukkat quleriaatigissavaat, anigaasat tunniunneqartut ilanngullugit, taamaattoq tak. imm. 5.

*Imm. 5.* Anigaasanoornerni isumaqatigiissuteqarnermik tunngaveqartuni iliuutsinullu tunisineramik siuarsaasunik attuumassuteqartuni qaffasinnerpaamik isumaqatigiissutit affaanik anigaasanoortumit akilerneqartut naleqassapput.

*Imm. 6.* Eqqukkanut iliuutsinut tunisineramik siursaataasunut atatillugu eqqugaasunut bonusiat tigusinnaalersinnagit qanoq annertutigisumik kaaviiartitaqarnissamik piunasaqaateqartoqarsinnaanngilaq.

*Imm. 7.* Iliuutsinik tunisineramik siursaataasunik neqerooruteqarnermut atatillugu bonusiat tigusinnaalertinnagit qanoq annertutigisumik kaaviiartitaqarnissamik piunasaqaateqartoqarpat, anigaasanut assersuusiortoqassaaq nunat assigiinngitsut anigaasaat anigaasanoornermi atorneqartut atorlugit, eqqugaasimasinnaasut anigaasanoornermut kontomit tiguneqalersinnaalertinnagit. Assersuut neqerooruteqarnermut atatillugu erseqqissumik paasiuminartumillu paasissutissiissutigineqassapput.

*Imm. 8.* Anigaasanoornerit iliuutsinut tunisineramik siursaasunut atatillugu piunasaqaatit eqqortinnerannut atorneqarsinnaasut, bonusiat tigusinnaalertinnagit qanoq annertutigisumik kaaviiartitaqartoqarnissaanik piunasaqaatit 100 procentimik eqqortinneqarnissaannut piunasaqaatinik eqqortitsisuussapput.

*Imm. 9.* Aningaasanoortut iliuutsinut tunisinermik siuarsaasunut atatillugu eqqukkat akilerneqarnissaannut piumasaqaateqartoqarsimappat sivikinnerpaamik ullunik 60-imik periarfissaqassapput piumasaqaatinik eqqortitsinissaminnut.

**§ 23.** Iliuutsit tunisinermik siuarsaasut piumasaqaatit aningaasanoortunut allanut neqeroortugineqartut assiginngisaat atorlugit aningaasanoortunut ataasiakkaanut neqeroortugineqassanngillat, aningaasanoortunulli tamanut aningaasanik assigiissunik akuttussusillit iluini neqeroortugineqartut, imaluunniit tunngavimmik allamik eqqortitsisunut neqeroortugineqassallutik. Aningaasanik assigiissunik akuttussutsit imaluunniit timmgavoot aææat aalajangersarneqassapput, taamaasilluni iliuutsit tunisinermik siuarsaasut ikinnerpaamik aningaasanoortunut 100-nut neqeroortugineqassallutik.

*Imm. 2.* Aningaasanoortup akuersissummik peqartumi aningaasanuunngippallaarnera iliuutsit tunisinermik siuarsaasut neqeroortuginerannut aalajangiisuussanngilaq.

## Kapitali 9

### *Peersitaaneq aamma aningaasanoornermut kontop matuneqarnera*

**§ 24.** Aningaasanoornermut kontop matuneqarnerani akuersissummik peqartup sapinngisamik sukkanerpaamik kingusinnerpaamillu ullut suliffiusut tallimat qaangiunneranni aningaasanoortup aningaasanoornermut kontoani aningaasa sinneruttut aningaasanoortumut akilissavai. Matusinermut akiliuteqartitsinissaq piumasaqaatigineqarsinnaanngilaq.

*Imm. 2.* § 6 imm. 2 tunuliaqutaralugu aningaasanoornermut utaqqiisaasumik kontop matuneqarnerani, taamaallaat aningaasat aningaasanoornermut kontomi sinneruttut aningaasanoortumut akilerneqassapput. Taamaattoqarpat aningaasat eqqukkat akuerissummik peqartumut tunniunneqassapput.

*Imm. 3.* Akuersissummik peqartup sulissutigisaanik aningaasanoornermut konto matuneqarpat, akuersissummik peqartup aalajangiineq tunngavilersuutitalik uppersaatitalillu aningaasanoortumut naasiutissavaa. Aalajangiinerup assilineqarnera Aningaasanoornermut Oqartussanut nassiunneqassaaq.

**§ 25.** Aningaasanoornermut kontomik atorunnaarsitsigallarnermi akuersissummik peqartoq piffissap naammaginatup iluani suliami aalajangiissaaq. Piffissami atorunnarsitsiffiugallartumi aningaasanoortup aningaasanoornermut konto matusinnaanngilaa. Inaarutaasumik aalajangiisoqareeriparpat, aningaasanoortoq aalajangiineq pillugu pissusissamisoorumik ilisimatinneqassaaq.

*Imm. 2.* Akuersissummik peqartup aalajangiineq tunngavilersuutitalik uppersaatitalillu aningaasanoortumut naasiutissavaa. Aalajangiinerup assilineqarnera Aningaasanoornermut Oqartussanut nassiunneqassaaq.

## Kapitali 10

### *Isumaqatigiissuteqarluni aningaasanoorneq il.il.*

**§ 26.** Akuersissummik peqartoq iliuseqassaaq, eqquiniulluni akilerniunnermi isumatigiissuteqarluni aningaasanoornerup (»match- fixing«) annikillisinneqarnissaanut naleqquttunik, aamma isumaqatigiissuteqarluni aningaasanoortoqarnera tunngavissaqartumik pasitsaassimaneqarpat eqquiniulluni akilerniunnermut aningaasanoornermut akiliutit tigunissaat itigartitsissutigissallugu.

**§ 27.** Akuersissummik peqartup eqquiniulluni akilerniunnerit neqeroortugissanngilaat timersornerit inuusuttunut 18-it inorlugit ukiulinnut sammititaappata.

## Kapitali 11

### *Aningaasanoornernut periutsit*

§ 28. Akuersissummik peqartup nakkutilliinermut periutsinut aamma aningaasanoornernut periutsinut ilanngussa q 1-imi allassimasut malissavai.

§ 29. Aningaasanoornernut periutsit eqquiniulluni akilerniunnernut atorneqartut, tassaasullu IT-kkut atortorissaarutit, tak. ilanngussa q 1, nunami maani inissisimassapput.

*Imm. 2.* Aningaasanoornernut Oqartussat imm. 1-imi piumasaqaat avaqqunneqassasoq akuersissutigisinnaavaat, akuersissummik peqartumut imaappat:

- 1) nunami allami aningaasanoornermik neqerooruteqarnissamut akuersissuteqarpat, tamatumani pisortat oqartussaasui akuersissummik peqartup aningaasanoortitsinermik neqeroorutai nakkutigisarissallugit, aamma nakkutilliinermut oqartussat taakku akuersissummik peqartup nunami maani aningaasanoornermik neqeroorutai nakkutigissallugit Aningaasanoornernut Oqartussanut isumaqatigiissuteqarsimappata, imaluunniit
- 2) aningaasanoornernut periutsit ungasianiit tikinneqarsinnaatillugit assigisaanilluunniit periuseqarluni Aningaasanoornernut Oqartussat toqqissisimanartumik nakkutilliisinnaatippatigit.

§ 30. Akuersissummik peqartup aningaasanoortitsinermut periusai, niueriaasii niuernermilu periusaai suliffeqarfimmit misileraasumit akuerisaasumit akuersissutigineqassapput, aningaasanoornernut periutsit qarasaasiakkut eqquiniulluni akilerniunnernik neqerooruteqarluni atorneqalersinnagit. Aningaasanoornernut Oqartussat akuersissummumut piumasaqaatinik aalajangersaasinnaapput.

*Imm. 2.* Suliffeqarfiup misileraasup qanoq akuerineqarnissaanut piumasaqaatinik Aningaasanoornernut Oqartussat aalajangersaasinnaapput.

§ 31. Aningaasanoornernut periuseq akuersissutigineqaraangat, Aningaasanoornernut Oqartussat qaqugukkulluunniit akuersissummik peqartumut naalakkiutigisinnaavaat suli annertunerusumik misileraasoqassasoq, uppersaasoqassasoq periutinillu akuersissuteqartoqarluni.

§ 32. Aningaasanoornernut periutsini eqquiniulluni akilerniunnerit neqeroorutigineqartut pillugit paasissutissat tamaasa akuersissummik peqartup sivikinnerpaamik ukiuni tallimani uninngasuutigissavai.

## Kapitali 12

### *Naammagittaalliorneq*

§ 33. Akuersissummik peqartup aningaasanoornernik neqeroorutai pillugit aningaasanoortut naammagittaalliutaat akuersissummik peqartup suliarissavai. Aningaasanoortup kinaassusaa kiisalu pissutsit naammagittaalliuutigineqartut pillugit paasissutissanik naammagittaalliut imaqaasaaq. Naammagittaalliut itigartitsissutigineqarsinnaavoq piumasaqaatit eqqortinneqarsimangippata.

*Imm. 2.* Akuersissummik peqartup naammagittaalliut sapinngisamik sukkanerpaamik suliarissavaa. Naammagittaalliut ullut 14-it ingerlaneranni aalajangiivigineqarsimangippat, akuersissummik peqartup aningaasanoortoq ilisimatissavaa, qaqugukkut taassumi suliami aalajangiisoqarnissaa naatsorsuutigisinnaaneraa.

*Imm. 3.* Akuersissummik peqartup allakkit naammagittaalliummik suliamut akuusut sivikinnerpaamik ukiuni marlunni uninngasuutigissavai, ilanngullugit ilanngullugit allakkiat naammagittaalliuutinut itigartitsissutigineqartunut tunngasut. Piumasaqarfigineqarnermigut taakku Aningaasanoornermut Oqartussanut nassiutissavai.

## Kapitali 13

### *Nakkutilliineq*

**§ 34.** Nalunaarutip matuma malinneqarnera Aningaasanoornermut Oqartussat nakkutigisaraat, tak. aningaasanoorneq pillugu inatsimmi kapitali 9 aamma aningaasanoornerit aalajangersimasut pillugit Kalaallit Nunaannut inatsimmi kapitali 6.

## Kapitali 14

### *Pineqaatissiineq*

§ 35. Inatsit alla malillugu sakkortunerusumik pillaatissinneqarluni pisuutigaa ngikkaanni, kingaluunniit piaaraluneerluni imaluunniit sakkortuumik mianersuaalliorluni Medmindre højere straf er forskyldt efter anden lov- givning, straffes med bøde den, der forsætligt eller groft uagtsomt overtræder § 2, imm. 1, oqaaseqatigiinnik siullernik, aamma imm. 2-6-imik, §§ 3-6-mik, § 7, imm. 1 aamma 2-mik, imm. 3, oqaaseqatigiit aappaannik, aamma imm. 5-imik, §§ 8-17-imik, § 19, imm. 1-5-imik, §§ 20-23-mik, § 24, imm. 1-imik aamma 3-mik, § 25, imm. 2-mik, §§ 27 aamma 28-mik, § 29, imm. 1-imik, § 30, imm. 1, oqaaseqatigiinnik siullernik, § 32-mik aamma § 33, imm. 1, oqaaseqatigiinnik siullernik, imm. 2, oqaaseqatigiit aappaannik kiisalu imm. 3-mik unioqutitsisut akiliisitaanermik pineqaatissinneqassaaq.

*Imm. 2.* Piginneqatigiiffiit il.il. (inatsitigut pisinnaatitaasut pisussaataasullu) pillaasarnermi inatsimmi kapitali 5-imi maleruagassat malillugit pillaatisinissamut akisussaatinneqarsinnaapput aamma Kalaallit Nunaanni pinerluttulerinermik inatsimmi kapitali 5-imi maleruagassat malillugit pineqaatissinneqarnissamut akisussaatinneqarsinnaallutik.

## Kapitali 15

### *Atuutilerfia il.il.*

§ 36. Nalunaarut ulloq 1. januar 2020-mi atuutilerpoq.

*Imm. 2.* Qarasaasiakkut eqquiniulluni akilerniunneq pillugu nalunaarut nr. 66, 25. januar 2012-imeersoq atorunnaarsinneqarpoq.

*Imm. 3.* § 21 ulloq 1. april 2020-miit sunniuteqarpoq.

*Akileraartarnermut  
ministereqarik, ulloq 29.  
november 2019*

MORTEN BØDSKOV

/ Jeanette Rose  
Hansen

**Akuersissummik peqartunut  
teknikkikkut piumasqaatit**

**A. Aalaqqaa-  
siut**

Allakkiami matumani teknikkikkut piumasqaatit akuersissummik peqartup eqqortittussaasai allaaserineqarput, ilanngullugit nakkutilliinermut paasissutissat tunngavigineqartut qulakkeernissaat kiisau takuneqarsinnaassusiannik piumasqaatit, suliffiup iluani nakkutilliinerit, suleriaatsit aaqquissuusaanerlu allaaserineqarlutik.

**B. Naalisaanerit nassuiaatillu**

SAFE: Paasissutissanik uninngasuusivik akuersissummik peqartup aningaasanoornermut paasissutissat uninngasuutiginiarlugit pilersittussaasaa, Aningaasanoornermut Oqartussat nakkutilliinermut atugassatut piumasqaatigisaatut.

RNG: Random Number Generator (kisitsisit nalaatsornikkut saqqummersartut).

Aningaasanoor-

mut periuseq: Elektroniskimik allatulluunniit ittunik atortut, akuersissummik peqartumit taannaluunniit sinnerlugu atorneqartartut, neqeroorutinut imaluunniit qarasaasiakkut kasinomik ingerlatsinermut atorneqartarlutik, ilanngullugit atortut imatut ittut:

1. inuup aningaasanoornernut peqataaneramik paasissutissat uninngasuutiginerannut atorneqartarpoq, ilanngullugit paasissutissat piffissap ingerlaneraneersut aamma angusanik paasissutissat,
2. aningaasanoortumut aningaasanoornerit saqqummersittalugit imaluunniit saqqummiuttarlugit, maluunniit
3. aningaasanoornernit inernerit aalajangersartarlugit, imaluunniit aningaasanoortoq aningaasanoornermi eqquisimanersoq imaluunniit annaasaqarsimanersoq naatsorsortalugu.

SAFE aningaasanoornermut periutsimut ilaanngilaq.

FTPS: File Transfer Protocol SSL.

SSL: Secure Sockets Layer.

XSD: XML Standard Definition.

XML: Extensible Markup Language.

**C. Periutsit tamarmiusut ataatsimoortut aningaasanoornernik nakkutilliinermut atorneqartussat**

Periutsit tamarmiusut ataatsimoortut tassaapput akuersissummik peqartup aningaasanoornermut periusaa, akuersissummik peqartup paasissutissanik uninngasuusivia (SAFE), isumannaallisaanermut periuseq (Tamper Token) kiisalu aningaasanoortunik nammineq piumasutsiminnik peqataajunnaarsittunik nalunaarsuiffik (ROFUS).

1. SAFE tassaavoq akuersissummik peqartup nammineerluni paasissutissanik uninngasuusivia (allakkianut qarasaasiakkut toqqorsivik) tassani aningaasanoornernut tamanut akuersissummik peqartumi ingerlanneqarsimasunut paasissutissat – Standard Records malillugu – akuersissummik peqartup uninngasuutigissallugit. Akuersissummik peqartut tamarmik paasissutissanut uninngasuusivimmik pilersitsissapput (SAFE). Aningaasanoornermut Oqartussat akuersissummik peqartumi paasissutissanik uninngasuusivimmik qarasaasiakkut isersinnaassapput.
2. Tamper Token. Aningaasanoornermut Oqartussat isumannaallisaanermut periuseq atortussanngortissavaat, taanna Tamper Tokenimut atorneqassaaq. Aningaasanoornermut paasissutissat, akuersissummik peqartup Standard Recordsit ilusilerlugit SAFEmut toqqugaasa

SAFEmi uninngasuutigineqarnerminni allanngortinneqannginnissaasa qulakkeernejarnissaat Tamper Tokenip siunertaraa. Aningaasanoornermut Oqartussat tokensit ullut tamaasa akuersissummik peqartumut saqqummiunneqartartut saqqummiuneqarnerannut serverimik inissiissapput. Aalajangersimasumik nalileereernerup kingorna qanoq akulikitsigisuunissaat naleqqussarneqarsinnaavoq. Akuersissummik peqartup suleriaaseq Aningaasanoornermut Oqartussat erseqqissaataannik malinnittoq atuuttussanngortissavaa, aningaasanoornermut paasissutissat toqqugaasut aamma token saqqummiunneqartoq aallaavigalugit kinaassutsimut kode ersersinneqassammat. Kinaassutsimik kode pineqartup tokeniata naannginnerani Aningaasanoornermut Oqartussanut utimut nalunaarutigineqassaaq. Akuersissummik peqartup Tamper Tokenimut attaveqarnera web-ikkut sullissivik aqutugalugu pissaaq.

Tamatuma saniatigut Aningaasanoornermut Oqartussani Tamper Token tulliuuttunik passussisarpoq:

- Kinaassutsimik kodet naatsorsorneranni kisitsisinik aallaaviusunik (tokens-inik) pilersitsineq.
  - Kinaassutsimik kodenik kingusinnerusukkut nakkutilliinermut atugassanik uninngatitsineq.
  - Tokensit naammassinissaannut piffissaliussap ataavartumik nakkutiginnera
- 
- Aningaasanoornermut paasissutissat tulleriissut aaneqartut kinaassutsimik kodemut tiguneqartumut naleqqiullugit allanngortinneqarsimannginnerisa uppernarsarneqarnerat.
  - Akuersissummik peqartup tokenimik nutaamik saqqummiussinerminut atatillugu tokenit akulikissusaanik allanguinerminik aqutsinnaanissaa piunasaqaataavoq.
3. Aningaasanoortut namminneq piunassutsiminnik peqataajunnaarsittut nalunaarsuiffiat (ROFUS) Danmarkimi aningaasanoortunut tamanut namminneq piunassutsiminnik Danmarkimi qarasaasiakkut aningaasanoornermut peqataajunnaarsitaanissamik – utaqqiisaasumik imaluunniit inaarutaasumik – toqqaasimasunut nalunaarsuiffiuvoq. Nalunaarsuiffik Aningaasanoornermut Oqartussani inissisimavoq, taakku aninganaarsuiffimmik ingerlatsinissamut akisussaasuummata. Akuersissummik peqartoq nalunaarsuiffimmut attavilerneqassaaq, qulakkiissallugulu aningaasanoortut imminnut nalunaarsortissimasut akuersissummik peqartup aningaasanoortitseriaasiatigut aningaasanoornermut Oqartussanut utimut nalunaarutigineqassaaq. Akuersissummik peqartup ROFUS-imik periutsimut attaveqarnera web-ikkut sullissivik aqutugalugu pissaaq.

Tamper Token-imi aamma ROFUS-imi kukkunerit pillugit akuersissummik peqartup Aningaasanoornermut Oqartussat sapinngisamik sukkanerpaamik ilisimatissavai.

#### **D. Aningaasanoornermi paasissutissanut piunasaqaatit (Standard Records)**

Akuersissummik peqartup aningaasanoornermik paasissutissat SAFE-mut XML-filinngorlugit toqqussavai, Aningaasanoornermut Oqartussat tamanut saqqummiussaanic allaffissalerlugit aamma akulikissuseqartillugit. Agguassinerit tulliuuttut atornejassapput:

- EndOf Day
- Puljespil
- FastOdds
- Managerspil
- Jackpot

Aningaasanooriaatsinut qulaani agguassinerup avataaniittunut, Aningaasanoornermut Oqartussat isumaqatigiissuteqarfigineqassapput aningaasanoornermut paasissutissaq qanoq ililluni SAFE-mut toqqorneqassanersut. Tamanna pissaaq aningaasanoornerit neqeroorutigineqalersinnagit.

Aningaasanoornermut paasissutissat SAFE-mut nassiunneqarneranni annertussusissaasa teknikkikkut allaaserinera (Standard Records) Aningaasanoornermut Oqartussat taamanut saqqummiutissavaat. Teknikkikkut allaaserineqarnera taaguutinut ilusiliussat aamma allaffissat nassuiaataannik imaqarpoq. Allaaserisamut ilaapput XSD-mi filit eqimattat, taakku aqqissugaanerit aningaasanoornermut paasissutissanik SAFE-mut toqqorsinerit eqqortitsisuussaaq.

#### **E. SAFE-mut piunasaqaatit**

##### **E. 1 Akuersissummik peqartup paasissutissanut uninngasuusivia**

## Incident-ip qanoq ittuunera:

Akuersissummik peqartup paasissutissanik uninngasuusivik (SAFE) aningaasanoornermut paasissutissanik uninngatitsivissani pilersissavaa.

Akuersissummik peqartup Standard Records malillugu aningaasanoornermut paasissutissat paasissutissanik uninngasuusivimmut nuussavai tasanilu toqqortaralugit. Akuersissummik peqartup aningaasanoornermut paasissutissat qaammatini kingullerni aqqaneq marlunneersut SAFE-mi uninngasuutigissavai kiisalu aningaasanoornermut paasissutissaat suli qaammatinit 48-meersut qarasaasiami digitalimik atuarneqarsinnaasumi uninngasuutigissallugit.

Akuersissummik peqartup SAFE-ata aamma Aningaasanoornermut Oqartussat nakkutilliinermut periusaata akornanni paasissutissanik nuussineq internet FTPS-ilik aqutigalugu pisassaaq minnerpaamik 8 Mbit/s sukkassuseralugu. Attaveqaatip aningaasanoornermut paasissutissat ajornaqutitaqanngitsumik nuunneqarsinnaanerannut attaveqaatip naleqquttuunissaa akuersissummik peqartup qulakkiissavaa.

### E. 1.1 SAFE-mut teknikkikkut piumasaqaatit

- SAFE serverimi immikkuullarissumi pilersinneqassaaq, taannalu akuersissummik peqartup aningaasanoornermut periusaanit immikkoortitsimaneqassalluni.
- SAFE-mi aningaasanoornermut paasissutissat paasissutissaasinnaasunit allaanit piviusumik illersorneqarsinnaasumillu immikkoortitsimaneqassapput.
- Aningaasanoornermut paasissutissanut tamanut akuersissummik peqartup pisariaqartitamik back-up-eqarnissaa isumagissavaa. SAFE aamma SAFE-mut back-ip inissisimaffimmikkut avissaarsimassapput. Assigisaanillu qarasaasiami digitalimik atuarneqarsinnaasumi paasissutissanik uninngatitsineq taakkuninnga back-up sumiiffimmikkut immikkoortitsimaneqassapput.
- SAFE paasissutissanik uninngatitsivittut atorneqalersinnani, qarasaasiakkut kasinorneq pillugu nalunaarut malillugu isumannaallisaanikkut piumasaqaatit minnerpaamik akuersissummik peqartup aningaasanoornermut periusaata qaffaseqatigisaanik pitsaassusilimmik eqqortitsissaaq.
- Aningaasanoornermut Oqartussat aningaasanoornermut paasissutissanik SAFE-miit aallersinnaanissaat akuersissummik peqartup qulakkiissavaa.
  
- Akuersissummik peqartup attaveqaat isumannaatsoq (FTPS) aqutigalugu SAFE-mut attaviliissaaq.
- SAFE-mi mappit aqqissugaanerat suliarineqassaaq aqqissugaaneq Aningaasanoornermut Oqartussaq aqqissugaaneq erseqqisaatigisimasaat malillugu, tak. immikkoortoq E. 3 »SAFE-mi mappit aqqissugaanerat aamma Standard Records-imi taaguusersuisarneq«.
- SAFE-mi aningaasanoornermut paasissutissat Standard Records erseqqisaatigineqartut malillugit toqqorneqassapput, tak. immikkoortoq D »Aningaasanoornermut paasissutissanut piumasaqaatit (Standard Records)«.
- Akuersissummik peqartup uppersarsassavaa piumasaqaatit taaneqartut SAFE-mit malinneqartut.
- Akuersissummik peqartup SAFE-mut ingerlatsinermut uppersarsaatit suliarissavai, ilanngullugit pisariaqartitamik avatangiisinut uppersarsaatit, ingerlatsinermut suleriaatsit aamma suliap ingerlanneqartarnera, backup-imut periutsit kukkunernillu passussisarneq uppersarsassallugit.
- Uppersarsaatit tamarmik danskisut tunniunneqassapput. Taamaattoq tekniikkut nassuiaatit nalinginnaasutut ittut tuluttut tunniunneqarsinnaapput.
- Uppersarsaatit apeqqutigineqarnerminni elektronikkimik pissarsiarineqartussanngortinneqassapput (assersuutigalgu mailikkut, USB-stik, CD-rom, DVD) Aningaasanoornermut Oqartussat kingusinaaratik aamma ullunit suliffiusunit marlunnit kingusinnerunngitsukkut.
- Uppersarsaatit tamarmik tunniunneqassapput Aningaasanoornermut Oqartussanit passunneqarsinnaasumik annertussusilerlugit aamma Microsoft Office-mi imaluunniit Adobe Reader.imi atuarneqarsinnaasunngorlugit.
- Uppersarsaatit ataavartumik naleqqussarneqartassapput aamma realese-ni ataasiakkaani tamani. Realese-ni ataasiakkaani tamani uppersarsaatit naleqqussakkat malinnaatinneqassapput, taakkunani realese-mut tunngavigineqartoq allaaserineqartassalluni.
- SAFE-p qaammammut ataatsimut tikikkuminassusia:



**Incident-ip qanoq ittuunera:**

<b>Tikikkuminassusia</b>	98,50 pct.
<b>Incident-imut qisuariarnermut piffissaiussaq</b>	Nalunaaquttap akunnera qaangiutsinnagu, ataasinngorneq – tallimanngorneq, piffissami nal. 08.00 – 17.00 (danskitt piffissaat).
<b>Akissuseqarnermut piffissaliusaaq</b>	Isernermut akissuteqarnermut piffissaq agguaqatigiissillugu 10 sekundinit sivikinnerusaaq.

– SAFE-mi sullissinermut iserfissat:

<b>Iserfissat qanoq ittuuneri</b>	<b>Sullissinermut iserfissaq</b>	<b>Sivissusaa</b>	<b>Piffissaliineq – sullissinermut iserfissap atorluarnera</b>
Standard changes, patchning, il.il.	Ullup unnuallu ingerlanerini ataasiarluni piffissami ataasinngornermiit tallimanngornermut nal. 17:00 – 06:00 aamma arfinginngornermi sapaammilu nal. 00:00 – 23:59	120 min.	Ullunik suliffissanik 5-nik piffissaliilluni
Opdateringit angunerusut	Qaammammut 0-4-riarluni piffissami arfininngorneq 00:00 – ataasinngorneq 05:00	20 timer	Ullut suliffiusut 10 piffissaliullugit
Avatangiisinik, illup titartarnerinik aamma sullissinernik allanngortiterinerit	Ukiumut 4-riarluni piffissami arfininngorneq 00:00 – ataasinngorneq 05:00	24 timer	Ullut suliffiusut 15-it piffissaliullugit
Tuaviortumik aarlerinaatilinnik opdaterinerit	Isumaqaatigiissutigineqassaaq	Isumaqaatigiissutigineqassaaq	Suliaq aallartinneqartinagu

– Incidents (pisartut):

**Piffissap iluani aaqqinneqassaaq**

Incident-it 95,5 procentiinit annertunerusut piffissaliussat ataani taaneqartut iluini aaqinneqassapput. Qaammatikkaartumik nalilersorneqassapput. Incident-it sinnerinut piffissaliussat immikkuullarissut isumaqatigiissutigineqassapput.	
Tuaviortoq (mattussisuuvoq)	Nalunaaquttap akunneri 6
Akunnattoq (work-around pisariusoq atuuppoq)	Ullut suliffiusut 2
Nalinginnaq (naapertuutinngitsoq, work-around-imik minnerusumik pisariaqartitsisoq)	ullut suliffiusut 4

- Akuersissummik peqartup incidentit Aningaasanoornermut Oqartussat incidentit pillugit nalunaaruteqartarfiat aqutigalugu nalunaarutigisassavai. Tamanna pillugu piunasaqaatit paasissutissiisarnerlu Aningaasanoornermut Oqartussat nittartagaatigut tamanut saqqummiunneqarumaarput.
- Akuersissummik peqartoq SAFE-p ingerlanneranut akisussaasuvoq. SAFE iserfigineqarsinnaangippat, aningaasanoornermut paasissutissat katersorneqassapput, piffissallu iserfigineqarsinnaanginnerata naanerata kingorna SAFE-mut toqqorneqassallutik.

## **E. 2 Aningaasanoornermut paasissutissat aningaasanoornermut periutsimiit SAFE-mut nuunneqarnerat**

Akuersissummik peqartup aningaasanoornermut paasissutissat Standard Records naapertorlugu (paasissutissat aqqissugaanerit pillugu paasissutissiineq) SAFE-mut nuussavai toqqorlugillu. Paasissutissanik nuussinermut tamatumunnga akuersissummik peqartoq akisussaasuvoq tamatuminngalu suliarinnittussaalluni.

Aningaasanoornermut Oqartussat aningaasanoornermut paasissutissanik SAFE-miit pisariaqartitsineq malillugu Aningaasanoornermut Oqartussat paasissutissanik uninngasuusivimminnut nuussisinnaassapput nakkutilliinermut atugassaminnik. Nuussineq pissaaq internet aqutigalugu FTPS atorlugu, aamma paasissutissat tatiginassusiat Tamper Token atorlugu nakkutigineqassaaq.

## **E. 3 SAFE-mi mappit aqqissugaanerit aamma Standard Recordsimi taaguusiisarneq**

Akuersissummik peqartup mappinik aqqissuussineq pilersikkiartuaassavaa Standard Recordsillu aqqissuussineq tullittooq aallaavigalugu taaguusiisassalluni:

Qaffasissuseq 1: Mappi avalleq taaguuserneqassaaq »Mappersiakkat aqqissugaanerit-aningaasanoornermut periusoq«.

Qaffasissuseq 2: Mappi taaguuserneqassaaq »Zip«.

Qaffasissuseq 3: Ullut tamaasa mappilortoqassaaq, ullua malillugu taaguuserneqartunik annertussuseralugu UKIOq-QAammat-ULLua.

Qaffasissuseq 4: Tassani zip-filit inissineqassapput, tamarmik immikkut ataasiakkaarlutik token-imut ataatsimut attuumassuseqarlutik. Tamatuma saniatigut token-inut sulii matuneqarsimanngitsunut mappeqassaaq. Mappi sulii matuneqarsimanngitsoq taaguuserneqassaaq »SpilCertifikatIdentifikation-TamperTokenID«. Zip-fili, mappimik imaqartoq taaguuserneqassaaq »SpilCertifikatIdentifikation-TamperTokenID.zip«. Aningaasanoornermut akuersisummut kinaassusersissut tassaavoq akuersissummik peqartumik kinaassusersissut asseqanngitsoq, Aningaasanoornermut Oqartussanit tunniunneqartoq. TamperTokenID tassaavoq Tamper Tokeninut ataasiakkaanut kinaassusersissut asseqanngitsoq.

Qaffasissuseq 5: Zip-filit ataasiakkaat tamaasa imarisaat malillugit mappinik pilersitsisoqassaaq. Taaguusersorneqassapput assersuutigalugu »EndOfDay«, »Jackpot«, »KasinoSpil«, »PokerCashGames« aamma »PokerTurning«

Qaffasissuseq 6: Ullunut attuumassuteqartunut mappinik pilersitsisoqassaaq, ullua malillugu taaguusersorneqarlutik, annertussusiliullugu UKIOq-Qaammat-Ullua. Standard Recordsit ataasiakkaat qaffasissusermi tassani imaluunniit qaffasissuseq 7-imi inissinneqassapput, mappersakkamilu piffissamut filip pilersinneqarfianut inissinneqarlutik.

Qaffasissuseq 7: [Nammineq toqqagaq] Mappinik appasinnerusunik taasaqarnissaq periarfissaavoq, piffissamut akuttussusiliilluni, annertussusilerlugit HH. QAammat – HH.QAammat.

Aningaasanooriaatsinut allanut tamanut naleqqiullugu filit mappersakkamut naammassineqarfissaattut naatsorsuutigineqartumut inissinneqassapput. Mappinik taaguusiinermi aamma Standard Recordsini Aningaasanoornermut Oqartussat erseqqissaataat malinneqassapput.

Aningaasanoornermut paasissutissat ataavartumik zipperneqassapput mappinik aqqissuussinermi taaneqartut malillugit, aamma Tamper Tokeninut ataasiakkaanut tamanut ilisarnaatit malillugit zip-filimik pilersitsisoqassaaq. Zip-filit ataasiakkaat tamarmik aningaasanoornermut paasissutissanik taakkorpiarnik Tamber Tokensimut ilisarnaammut atasumik immerneqartumik aningaasanoornermut paasissutissanik imaqaassapput.

## **F. Akuersissummut piumasaqaatit malinneqarnerisa ataavartumik nakkutiginerat**

### **F. Aningaasanoornermut paasissutissanik piniarneq**

Akuersissummik peqartup kaammattorneqarnermigut aningaasanoornermut paasissutissat toqqortarineqartut qarasaasiameersut digitalimik atuarneqarsinnaasut ullut suliffiusut tallimat iluanni Aningaasanoornermut Oqartussanut nassiussinnaassavai, tak. immikkoortoq E. 1.

### **F. 2 Paasissutissanik allanik piniarneq**

Aningaasanoornermut paasissutissat immikkoortoq E. 1-imi taaneqartut saniatigut akuersissummik peqartup paasissutissat nammineq aningaasanoornermut periutsimineersut taamaattoqarpallu periutsinit atassuteqartuneersut aasinnaassavai, ilanngullugit:

- Aningaasanoornerit imminnut sunneqatigiittartut pillugit paasissutissat, assersuutigalugu pokerimi nallukattat atorneqartut. Naak qarasaasiakku aningaasanoortoqaraluartoq apeqqutaatinagu, tamatumani aningaasanoornermut peqataasut aningaasanoornermik neqerooruteqartunit arlalinneersut peqataallutik, Aningaasanoornermut Oqartussat piumasaqaatigisinnaavaa paasissutissat peqataasunit tamaneersut pissarsiarissallugit.
- Aningaasanoornermut kontot pillugit paasissutissat.
- Naatsorsueqquissaarnikkut paasissutissat.
- Akuersissummik peqartup aningaasanoornermut periusaani nalunaarsukkat tigulaariffiginerat.

Paasissutissat tamakku ullut suliffiusut tallimat qaangiutsinnagit Aningaasanoornermut Oqartussanut tunniunneqarsimassapput.

## **G. Akuersissummik peqartup nakkutilliinerinut, niueriaasianut aqqissuussaananerallu piumasaqaatit**

Akuersissummik peqartoq nalunaarummi piumasaqaatit atuuttut akuersissummik peqartumit aamma taassuma suleqataanit ataavartumik malinneqarnerannik uppernarsaammik suliarinnissaq, tamatuminngalu ataavartumik nakkutiginnilluni. Taakkununga minnerpaamik ilaassapput:

- Ullut tamaasa nakkutilliineq sulisunit aqutsisunillu suliarineqartoq (sapiingisamik annerpaamik niueriaatsinut periutsinullu ilanngullugu suliarineqartoq).
- Piffissakkaartumik aamma misiligitinik tigusisarluni suliffiup iluani misissuineq.
- Suliffiup avataani misissuineq, piumasaqaatit atuuttut malinneqarnerannik uppernarsaatit naammaginatumik pitsaassusillit pissarsiarineqarnissaannut tamanna pisariaqartinneqarpat.
- Nakkutilliinermit angusat suliarineqarnerat toqqortarineqalernerallu.

Akuersissummik peqartumi aamma/imaluunniit taassuma suleqataani kukkunernik imaluunniit unioqqutitsinernik naammattuuisoqartillugu kiisalu taakkunani kukkunernik imaluunniit

unioqutitsinerik pasitsaassisoqartillugu ingerlaannavik Aningaasanoornermut Oqartussanut nalunaaruteqarneq. Nalunaaruteqarnermut ilaassaaq akuersissummik peqartup kukkunerup imaluunniit unioqutitsinerup qanoq kinguneqartussaananerani naliliinera.

Akuersissummik peqartup niueriaatsit attuumassuteqartut suliarineqarnissaat, uppersarneqarnissaat kiisalu malinneqarnissaat akuersissummik peqartup akisussaaffigaa, taakku siunertarigamikku akuersissummik peqartup aamma taamaattoqarpat taassuma suleqataasa ataavartumik nalunaarummi piumasaqaatinik atuuttunik eqqortitsinissaq. Niueriaatsinut minnerpaamik ilaassapput:

- Aningaasanoornermut periutsini tamarmiusuni atortut tamarmik aamma paasissutissanik nassiussinerit, ilanngullugit paasissutissat aqquaat, paasissutissat ataatsimoortut, qarasaasiakkut attaveqaatit, SAFE, RNG, aningaasanooriaatsit (aamma taamaattoqarpat pingajuullutik peqataasuni atortut tarmarmik aamma paasissutissanik nassiussinerit) nakkutigineqarnissaat akuersissummik peqartup qulakkiissavaa, taamatut iliornikkut uppersassuseq pissarsiarineqarsinnaassuserlu qulakkeerneqassammata.
- Akuersissummik peqartup paasissutissanik annaasaqarnissaq pinngitsoortinniarlugu back up aamma restore-procedure qulakkiissavai.
- Akuersissummik peqartup ISO 27001 naapertorlugu isumannaatsumik aalajaatsumillu ingerlatsinissamut aserfallatsaaliuinerumt isumannaallisaaanermullu suleriaatsit qulakkiissavai.

Akuersissummik peqartoq tunisassiaminik neqerooruteqarnerminut atatillugu aningaasanoorneq pillugu inatsimmi siunertaasut naapertorlugit kiisalu Aningaasanoornermut Oqartussat piumasaqaatigisaannut atatillugu naleqquttumik aqqissuussaasimassaaq naammattunillu sulisoqarluni.

Sulianut sulisunullu attuumassuteqartunik piumasaqaatit akuersissummik tunniussinissamut inatsimmi piumasaqaataasut saniatigut, akuersissummik peqartoq minnerpaamik aqqissuussaaniikkut sulianik tulliuttunik pilersitsissaaq:

- Aningaasanoornermut qarasaasiat programmiinut aningaasanoorerillu ingerlannerinut akisussaasoq, ilanngullugit akuersissummik peqartumi kiisalu taamaattoqarpat peqatigalugit suleqatigisaani aningaasanoorerit tamamik pilersinneqarnerisa ingerlannerisalu eqqortumik uppersassusilimmillu aamma pututitsinertaqanngitsumik ingerlannissaat qulakkiissallugu.
- IT-mi isumannaatsuunissamut akisussaasoq, ilanngullugu qarasaasiat IT-mut atortut taakkunungalu programmit, qarasaasiakkut attaveqaatit akuersissummik peqartumit atorneqartut (aamma akuersissummik peqartup taamaattoqarpat peqatigalugit suleqatigisaanit atorneqartut) isumannaallisaniikkut illersorneqarsinnaasumik ingerlanissaat.
- Periutsinik allannguinerumt akisussaasoq, tak. Aningaasanoornermut Oqartussat periutsinik allannguinerit aqunneqarnissaannut anguniagaat.
- Aningaasaqarnermut akisussaasoq, ilanngullugu Akileraartarnermut ingerlatsiviup aningaasanoornermit isertitanit ilanngaateqanngitsunit pissarsiasaminik tamatigut pissarsisarnissaa.

Akuersissummik peqartup Aningaasanoornermut Oqartussat ilisimatissavai kikkut akisussaaffeqarfinnut akisussaasuunersut.

Inuit akisussaasut suliassaminnik akisussaaffimmillu tiguisinnaassagunik pisariaqartitanik piginnaaneqassapput pisariaqartitanillu misilittagaqarlutik. Akuersissummik peqartup piumasaqaataasunik eqqortitsinnaanissaa qulakkeerniarlugu inuit iliutsinik pilersitsinissamut piginnaatitaanissaat kiisalu allannguutitnik pisariaqartunik piviusunngortitsinnaanissaat akuersissummik peqartup qulakkiissavaa.

Nakkutilliinermut atatillugu inuit akisussaataasut toqqaannartumik attaveqaataassapput. Taamaattumik inuit paasissutissat uppersaatillu Aningaasanoornermut Oqartussat suliaqarfimmik iluanni piumasaqaatigisinnaasaat tamatigut pissarsiarisinnaassavaat nassuiaatigalugillu.